

四庫全書

子部

欽定四庫全書

子部

玉海卷二十七

詳校官給事中臣查善長

主事臣祁韻士覆勘

總校官進士臣朱

鈴

校對官編修臣盧

遂

謄錄監生臣黃

鵠

欽定四庫全書

玉海卷二十七

宋 王應麟 撰

帝學

經筵燕賜

漢夏侯勝撰尚書論語說賜金 賜桓榮輜車乘馬

賈逵襲衣 丁鴻御衣綬 張酺車馬衣裳 劉

寬侍講華光賜襲衣 魯丕冠幘履襪衣一襲 魏

正始中劉劭執經講學賜爵關內侯 唐高祖釋奠

講經賜陸德明帛 太宗文學館給珍膳 元宗麗

正院講易賜燕飲學士賦詩 集仙殿置酒 賜趙

弘智名馬 韋處厚金帛 賜鄭澣金紫 太液亭

賜酒

咸平崇政殿宴 天聖 景祐

天聖太清樓宴

賜章
服附

咸平五年正月丙辰講左氏畢宴崇政殿賜侍講邢昺

襲衣金帶器幣遷工侍 二年幸國子監召崔偓佺講

大禹謨賜緋章服 乾興賜御書唐賢詩

見論語

天聖

二年六月己未講孝經徹賜馬宗元三品服五年十月

庚辰講禮記畢宴崇政殿七年十月丁酉

十二日

講尚書

畢曲宴太清樓

凡講書終卷多賜會資善堂終一書有小宴

寶元宴太清樓

讀寶訓賜詩

見後

景祐讀唐書講春秋宴崇政殿

見前

慶

歷二年四月廿五日說書徹章宴近臣崇政殿六年十

一月十七日講詩徹宴近臣賜花作樂從官皆獻詩頌

七年三月己亥講孝經賜曾公亮三品服 皇祐元年

十二月乙丑盧士宗講泰卦賜紫

元祐講論語賜宴及御書詩 講尚書賜宴

元豐八年十二月十五日

哲宗

初御迺英講論語讀寶訓

賜宴資善堂賚銀帛元祐二年九月十五日講論語畢

賜輔臣講讀官宴于東宮上親書唐賢律詩分賜之

凡

三人拜賜 蘇軾謝賜紫薇花詩一 五年九月二十一

紙驚鷹回鳳字袖有驪珠三十四

五年九月二十一

日迺英講書讀寶訓賜御書詩一首十月二十九日講

書終篇賜宴東宮 嘉祐七年五月癸亥賜講讀官燕
于資善堂以讀後漢書徹也 司馬光有通英閣讀畢
後漢書蒙恩賜御製詩

紹興賜講讀官御書扇 賜茶墨

元年四月九日賜侍讀王絢胡直孺侍講汪藻胡交修
侯延慶御書杜詩扇王絢曰霖雨思賢佐丹青憶老臣
直孺曰文物多師古朝廷半老儒交修曰相門韋氏在
經術漢臣須 十一年四月九日賜侍讀吳表臣蘇符

新茶二十七日賜復古墨

紹興講孟子書易賜講讀官 讀寶訓燕賜

十六年三月十九日

辛卯

講孟子終篇翌日賜講官鞍馬

象笏金硯水瓶筆墨等越三日賜御筵于城隍司賜侍

讀香茗初復故事也二十三年十一月七日講尚書終

篇賜侍讀侍講說書修注官金帶象簡鞍馬越二日乙

巳賜御筵于祕書省就賜香茗皆作詩以進

自是為故事

二

十五年四月二十三日講易終篇以犀帶象牙簡金鞍

勒馬賜宰相賜侍讀已下金帶象簡鞍馬銀幣內王珉
加賜金魚硯匣越二日賜御筵二十七年十月十六日
經筵讀三朝寶訓終篇賜侍讀王師心象簡金鞍勒良
馬象管端研檀香匣復古殿墨象牙粘板壓紙金研水
瓶越二日乙巳賜御筵始用化成殿樂遣中使賜香茶
舊例春季賜茶墨
隆興元年止賜茶
淳熙四年九月丙辰召侍讀史浩
錫燕澄碧殿浩進古詩三十韻御製俯同其韻云皓首
持六經日侍明光裏翼乎鴻遇風縱矣魚在水眷言澄

碧行勝賞得迂趾亦屢引公卿對此談政理虛心欲受人忠言資逆耳朕瘠天下肥至樂無易此期爾罄嘉謀使我勲業起七年五月六日詔讀三朝寶訓終篇就秘書省賜御筵宰執賜牙簡金帶鞍馬香茶侍讀金硯匣端硯鞍馬香茶侍講說書修注官鞍馬香茶

餘見前

周

必大進詩云肇開講席臨清廟赭袍玉斧光照廊台司夾侍書案黃翰林進讀天容莊終篇正值恩德洋溢道山肆筵酌天漿宮花壓帽羅絲簧硯來復古翰墨光馬出

帝開真驢驢閩山正焙隨寶香君賜如天不可量
胡宿有講畢周禮詔賜御筵詩西清閒縹帙東面授丹
書經中禮樂之器詔圖繪其狀隨經所說省覽

觀書

漢覽書林

和帝永元十三年正月丁丑帝幸東觀覽書林閱篇籍

博選術藝之士以充其官

儒林傳孝和數幸
東觀覽閱書林

唐乾元殿觀書

見書
目類

開元六年八月十四日制令中書門下及文武百官入
乾元殿就東廊觀書內庫出絹綵分賜無量及四庫官
有差

無量奉詔整比四部書
總施線軸籤帙上下架

太平興國崇文院觀書

上初即位建三館臨幸者再輪奐壯麗三年二月丙辰
朔名曰崇文院西序啓便門以備臨幸六庫書籍正副
本凡八萬卷辛未幸西綾錦院觀織室還幸崇文觀書
宰輔諸王檢閱問難賜飲中堂盡醉而罷

淳化閣祕閣圖籍

又見後

淳化元年八月癸卯朔召近臣閣祕閣圖籍

一云淳化元年五月

以史館所藏天文圖書一百十四卷付祕閣八月賜宴大陳圖籍觀之

會要元年八月

一日

癸卯

祕書監李至請李昉宋琪徐鉉及學士侍郎給

諫舍人等詣閣觀御書圖籍帝知之詔賜御筵出書籍

令縱觀翌日

甲辰

又詔御史中丞王化基及三館學士縱

觀賜宴

實錄癸卯朔賜宴於祕閣先是遣使於諸道

求募古書奇畫及先賢墨迹小償以金帛大授以官數

年間獻書者不可勝計諸道募得者數倍復詔史館取天文占候讖緯方術等書五千一十二卷并內出古畫圖跡百四十軸悉藏祕閣圖籍之盛近代無比 三年九月己未上幸祕閣觀書賜從臣館閣官飲又命傅潛戴興等宴飲縱觀羣書上意欲武將知文儒之盛也

咸平崇文院閱羣書 祕閣觀太宗御書 館

閣閱四庫書

咸平二年七月甲辰幸崇文院召祕書監楊徽之集賢

學士錢若水等開書庫徧閱羣書登秘閣觀太宗御製
御書墨跡賜館閣官器幣有差又見視學五年七月庚戌辛
三館秘閣閱四庫書賜直官校理器幣因召從臣射後
苑

景德國子監觀羣書漆板

二年五月戊申朔幸國子監觀羣書漆板 真宗既和
戎偃草志在右文是年五月戊申朔幸國子監謁拜先
聖既而御講堂召從臣學官賜坐因歷覽書庫觀羣書

漆板及匠者摹刻問祭酒邢昺曰板數幾何昺曰國初
印板止及四千今多至十萬經史義疏悉備上曰非四
方無事何以臻此以書庫迫隘與錢俶第相接命易隙
地十步以益之又幸玉津園南觀刈麥九月國子監言
尚書孝經論語爾雅四經字體訛缺請以李鶚本別雕
命杜鎬孫奭校勘鶚字是廣順三年書熙寧七年監書一百二

十五部

詳見五經

景德崇文院觀四庫圖籍

三年四月丙子幸崇文院觀四庫圖籍及所編君臣事迹徧閱門類詢其次序王欽若楊億悉條對或未當者上立命改正因謂侍臣曰今編此書欲為將來典法使開卷者有益也賜編修官器帛有差遂宴百官于崇政殿四年八月壬寅幸崇文院觀書賜修書官器幣實錄八月壬寅幸崇文院觀所編君臣事迹王欽若楊億以草本進御上徧覽之又入四庫閱視圖籍賜修書官器幣又幸內藏庫宴從官於崇政殿

景德太清樓觀四部書

見御書 又見後

祥符召宗室觀書龍圖閣 尚書圖 龍圖閣

書目

二年九月丁丑召宗室觀書于龍圖閣因覽尚書圖寧

王元偓曰侍講近說尚書論語間即習射上喜其勤學

長編云召元偓等
赴龍圖閣觀書日

九年三月戊申召宗室觀書于玉

宸殿

祥符觀書龍圖閣

天禧

祥符三年八月甲寅召近臣觀書龍圖閣上閱元和國
計圖又觀國初已來所獲瑞物于崇和殿遂宴資政殿
上作七言詩從臣皆賦五年十二月丁丑召近臣至龍
圖閣閱書開宴觀新造宣德述古二殿又幸資政殿上
作七言詩命即席皆賦九年十一月二十三日癸亥召
近臣觀書龍圖閣楊億呂夷簡與上作詩五章分賜王
旦以下儒臣即席賦詩天禧二年四月丁卯五年二

月丁未召輔臣觀書龍圖閣

詳見後

祥符太清樓觀書

景德見御書

祥符七年三月癸巳

八日

賞花宴後苑登太清樓觀書射

于樓下特詔知雜御史與會作賞花觀書詩二首從臣

畢和天禧二年十一月辛未

二十一日

召近臣至是樓觀太

宗御書及聖製羣書賜宴樓下上作太清樓閱書歌詩

二首

歌七言十韻

三年三月十三日

庚午

翔鸞閣觀書射于樓

下前此觀太宗御製及四部書于景德四年之三月

奉安太宗御集于祥符五年之八月而二年正月癸亥
六年三月丙申七年三月癸巳十月丙寅皆燕射于此
巍巍太清璇題耀日四庫羣書彪列昡析丹霄侍宴
僅獎勲力勤政賜醑夸肆過實黼帳霞開華纓霧集
晏殊表云受羲如之珍錄舉云亭之古儀絳殿紫局鴻
鸞景從刻懿律於龜趺絢英辭於芸簡山經海志多郭
璞之靡詳縹帙松籤盡黃香之未見

天聖太清樓觀書

七年十月丁酉講尚書徹卷召輔臣講讀近臣宗室觀書太清樓宴於樓下八年三月壬申觀山水字石宴是樓從臣應制賦歌詩

令中書第優劣

九年閏十月戊辰餞孫奭

宴是樓樓四壁陳御飛白書分賜從臣寶元二年十一月癸巳宴輔臣宗室于樓觀三朝寶訓賜詩出天人祥異書若天聖之三年三月癸卯六年三月壬子七年之閏二月戊午九年之三月甲子賞花宴射以至景祐慶厯嘉祐賞花觀稻之集不一

景祐崇政殿觀書

三年十月乙丑御崇政殿觀三館秘閣新校子集書凡萬二千餘卷賜校勘官器幣有差宴輔臣兩制館閣之

臣于崇文院

詳見書目

觀御製御書

咸平龍圖閣觀太宗御書 龍圖閣五經圖

秘閣觀御書 觀書龍圖閣 太宗御書目錄

咸平四年十一月丁亥上御龍圖閣召輔臣觀太宗草

行飛白篆籀八分書及古今名畫移御崇和殿閱張去
華元元論及國田圖上曰經國之道必以養民稼穡為
先朕嘗冀邊鄙稍寧兵革粗息則可以力行其事富庶
吾民矣初去華獻元元論二萬餘言大抵以養民務穡
為急真宗嘉賞命寫以縑素為十八軸列置龍圖閣之
四壁朝夕觀焉先是二年七月甲辰幸崇文院閣羣書登秘閣觀太宗御製御書墨迹五
年十月己卯召近臣觀書於龍圖閣於閣之四壁設五
經圖閣上藏太宗書帖三千七百五十卷上執目錄示

近臣曰先帝留意詞翰朕孜孜綴緝片幅寸紙不敢失墜至於題記時事及書在屏扇或微損者悉加裝背又幸崇和殿後閣悉藏本朝名臣集次御資政殿壁有唐楊相如政要論上作七言詩侍臣皆賦時楊億應制詩云羣玉中天開策府神龜溫洛薦圖書

景德龍圖閣閱太宗御書 六閣

龍圖閣贊

景德二年四月戊戌幸龍圖閣近臣畢從种放預焉作龍圖閣贊閱太宗御書及觀諸閣書畫宴于崇和殿上

作五言詩從臣皆賦命知制誥李宗諤楊億作序 龍

圖閣在會慶殿之西偏北連禁中東曰資政殿西曰述

古殿閣上藏太宗御書及典籍圖畫寶瑞之物太宗御

製御書文集總五千一百一十五卷軸冊又有御書素

扇數十下列六閣一作閣曰經典閣總三千三百四十一

卷目錄三十卷史傳閣總七千三百五十八卷目錄四百四十二卷子

書閣總一萬三百六十三卷一云八千四百八十九卷文集閣七千

一百八卷天文閣二千五百六十一卷圖畫閣七百一

軸卷冊又古聖賢墨跡二百六十六卷上曰朕退朝之暇無所用心聚此圖書以自娛耳庚子以御製龍圖閣贊賜輔臣上曰龍圖閣書屢經讎校最為精詳已復傳寫一本置後苑太清樓朕自居藩邸以至臨御凡亡缺之書搜求備至每於藏書之家借其本必令置籍出納國學館閣經史未有板者悉令刊實錄恐出會要當攷今按長編云閣在會慶殿西偏北連禁中閣上藏太宗御書五千一百十五卷軸下設六閣經典閣三千七百六十三

卷史傳閣八千二十一卷子書閣一萬三百六十二卷
文集閣八千三十一卷天文閣二千五百六十四卷圖
畫閣一千四百二十一軸卷冊

與前文
全不同

景德大清樓觀太宗聖製御書及四部書

見御書類 又天禧二年十一月辛未

詳見
後

晏殊謝

觀書表丹函翠蘊藏先聖之寶章絺袞縹囊集九流之
閱籍

祥符觀龍圖閣太宗御書及四部書籍 天禧

觀文論歌詩

祥符三年正月戊寅

二十日

召近臣觀龍圖閣太宗御書

及四部書籍又至閣西觀畫賜酒閣下上作觀書開宴

五言詩令即席皆賦又出聖製會真宮碑九天司命天

尊殿銘泰山重修聖像記作五言詩賜王旦等和

二年四月

七日壬辰宴餞種放上作詩是日閱諸閣圖畫太宗御書宴崇和殿九月二十六日丁丑召寧王元偓等觀書

八月甲寅又召近臣觀書五年十二月丁丑至龍閣閱

書開宴九年十一月二十三日癸亥召近臣觀書于是

閣楊億呂夷簡與上作詩五章分賜王旦等 天禧二

年四月丁卯

四日

召近臣謁太宗御容于宜聖殿遂至龍

圖閣觀書及聖製贊頌石本時昇王未出閣始預坐令

從官賦觀書賞花詩四年十一月戊午召近臣龍圖閣

觀圖籍御製文論歌詩上曰朕聽政之暇以翰墨自娛

丁謂請鏤板許之遂宴資政殿

詳見御集

五年二月丁未

又觀御書于是間 慶厯八年幸閣觀遊藝集 嘉祐

七年觀三聖御書

祥符玉宸殿觀太宗文翰 苑中觀太宗聖製

四部羣書聖製書籍記

射堂閣太宗御書見御詩

四年十月丙寅

二十日

召輔臣至苑中山亭觀太宗聖製

四部羣書又至玉宸殿觀古今書讀聖製書籍記石帝

作五言詩王旦等皆賦

景德四年三月乙巳玉宸殿事見殿類

七年三

月十日乙未召輔臣于玉宸殿觀太宗聖文神翰上各

製文于篇末仍總其數刻石皇子從上指詩牌字問之

應聲以對賜宴翔鸞閣又浮觴曲水奏雲韶樂上賦觀

書流杯七言詩侍臣皆賦 八年四月癸丑復詔輔臣

於此殿觀書及太宗御書移御別殿觀御製皇帝王霸

五臣等論遂臨水軒賦詩各賜衣帶器幣王欽若陳堯

叟趙安仁等與焉九年二月以御撰玉宸殿記刻石翔

鸞閣三月四日戊申召宗室觀書于是殿

後觀書觀稻於此如天禧

之二年三年四年不一而止

御集有玉宸集五卷祥符七年六日

藏之秘閣

餘見殿類

祥符國子監觀論辯

七年四月己巳宰臣文武百官詣國子監觀太宗御集

御書及新刻聖製論辯遂宴近臣於監

詳見御書

祥符翔鸞閣觀太宗御書

天禧附

九年二月癸卯

二十七日

召近臣于後苑翔鸞閣觀太宗御

書因示聖製太宗聖文神筆頌玉宸殿記

一云觀聖製樂府文論

五臣論樂府辭上作歌詩二篇命從臣賦詩移幸流杯

殿登象瀛山翠芳亭遂宴玉宸殿

殿在苑中密通宮禁

天禧三

年三月庚午宴後苑登翔鸞閣觀太宗御集及聖製又

御儀鳳閣王宸安福殿作賞花釣魚五七言詩命皇太子書以示近臣羣臣皆賦翰學盛度面求賜本詔與之遂燕射太清樓

天禧太清樓觀聖製羣書閱書歌詩

二年十一月辛未召近臣至後苑太清樓觀太宗御書及聖製羣書賜宴樓下上作太清樓閱書歌詩二首

歌七

言十韻從臣皆和晏殊和閱書歌瓊字金扉迥倚天南

齊七志罕遺逸西漢九流咸粲然

天禧清景殿觀御製

三年九月丙子詔宗室宰臣兩制二館以上對內中清

景殿觀御製元良述承華要略玉清宮白鶴贊太清樂

步虛詞玉宸殿記清景殿書事詩又作詩十韻賜冠準

等遂宴殿內

晏殊集云慶雲殿玉京殿讀御製銘記賜宴

五年四月十六日

壬戌召近臣館閣官觀御書於天章閣宴羣玉殿

詳見御集

天聖御書院觀太宗眞宗御書

五年十月甲午日上與皇太后幸御書院觀太宗眞宗

御書賜本院內臣等器幣

院太宗所置在東宮

翰林學士

宋綬撰記

刻石院壁

皇祐三年五月丁卯召近臣館閣臺諫官

觀書于御書院

天聖龍圖天章閣觀三聖御書

慶厯觀游藝

集嘉祐觀三聖御書

天聖八年八月丁亥

六日

召輔臣兩制宗室於龍圖天章

閣觀三聖御書元真殿觀瑞穀宴藥珠殿宰臣以下賦

詩慶厯八年三月甲寅幸二閣召近臣宗室觀太宗

游藝集及三朝瑞物新刊真宗幸澶州回鑾詩碑文初
祥符中取太宗御製樂譜碁圖曲歌詩為百二十卷至
是上命侍講曾公亮詳校親為後序以示羣臣 嘉祐
七年十二月丙申幸二閣召皇子輔臣兩制宗室臺諫
觀三聖御書又幸寶文閣分賜從臣飛白書賦詩作觀書詩
庚子再幸天章召從臣觀三朝瑞物十三種又觀太宗
真宗御集 治平三年九月丙辰幸天章寶文閣命兩
府觀學士王珪所書仁宗御詩石刻

慶厯崇政延和殿觀御書

七年八月丙寅

二十四日

御崇政殿召近臣觀御書真宗御

謚位版及新作郊廟祭器

八年九月己亥

四日

御延英殿

召輔臣觀御書

及天地祖宗位版

嘉祐六年三月乙酉

二日御

崇政殿召輔臣觀御書兗州文宣王廟榜

上巾櫛而書其恭如是

轉運使張師中
進寶奎輝文歌

皇祐迎陽門觀御書 觀三朝御書

元年十一月庚寅觀三朝訓鑒圖于迎陽門二年九月

癸巳

五

召輔臣觀三朝御書及唐明皇山水圖於此門

至和二年二月辛丑

十三日

召近臣觀飛白御書鳳翔上

清宮榜于此門嘉祐二年六月癸亥觀御書寶章閣榜

于此門三年五月丙戌觀御書并州舍利閣榜七月壬

辰

二十四日

觀御書妙法院正覺殿榜于此門次觀三聖御

容于天章閣九月丙戌御迎陽門觀景靈宮天興奉真

廣孝殿御飛白書榜

宣和秘書省觀書

四年三月辛酉幸秘書省御右文殿宣羣臣觀書及古器
遂幸太學

紹興秘閣觀書

十四年七月丙子上幸秘書省至道山堂降輦遂幸秘

閣

先是戊午游操
等上表請幸

召羣臣觀累朝御製御書晉唐書畫

三代古器還御右文殿賜羣臣茗飲賜少監游操御書
扇戊寅上曰秘府書籍尚少宜廣求訪賜詔曰周建外
史掌三皇五帝之書漢選才儒定九流七略之奏八月

丙戌拜表稱賀

淳熙秘閣觀御書

五年九月十二日壬申幸秘書省受朝右文殿移御秘閣入東西壁觀累朝御書上手以光堯太上皇帝所書琴賦示羣臣諭曰此鍾王所不及既又修太平興國故事張宴右文酒五行罷翌日癸酉賜御製詩詩有宴開芸閣坐對蓬山之語又曰稽古右文慙非德禮賢下士法前王

賜宰臣史浩以下
皆與坐閣門舍人亦列西廡

是時三衙
帝暉下矚光

榮河溫洛之藏天藻昭垂邁過沛橫汾之詠表

宋朝三聖御書

太祖 建隆初作文宣充公贊 乾德開寶中作應天
歷本草序 建隆御札令轉對 乾德南郊首出御
札 書八字賜李符 書一統賜王溥

太宗 雍熙三年飛白玉賜李昉 端拱二年急就章付
秘閣 淳化中飛白玉堂賜蘇易簡 又為真草行
三體書御詩 又為四體書賜近臣 秘閣字賜李

至 千文賜祕閣 四年八分書千文賜輔臣 至
道三年飛白二十軸賜呂端又以四十軸藏中祕
祥符新編十五部三百三十六卷 龍圖太清玉宸
及先聖廟名山勝地皆藏焉 鏤文之管白龍之牋
真宗 御書石本九十軸藏天章閣 景德三記祥符
七條 龍圖有歌詩清景有書事元良有述六藝有
歲正說春秋要言承華要畧歌器之論三惑之歌玉
宸殿四論五論 龍閣有贊泰山有銘庇民有述書

籍有記箴著自戒歌寫念農
宸翰則真遊太極之
扁澶淵回鑾之詩汾陰銘記

玉海卷二十七

欽定四庫全書

玉海卷二十八

宋 王應麟 撰

聖文

御集

漢武帝集

漢志高文有傳上所自造賦二篇

注武帝

武紀贊號令

文章煥焉可述後嗣得遵洪業而有三代之風

儒林傳
詔書律

令下者文章爾
雅訓辭深厚

史記封禪書索隱曰顧允案武帝集

隋志武帝集一卷

梁二卷

唐志二卷

洪河闡珍八

卦畫于包羲溫洛呈祥九疇叙乎夏禹帝王文章權

輿於斯巍乎有堯與天同大煥乎之文著焉皇乎有

周獨盛中古郁乎之文備焉英華發於和順之積

輝光著於篤實之充自然而然無所容心如日月星

辰之麗天山川草木之附地而已逮茲以降則有西都

號令文章煥然可述史氏稱焉故武帝之文則以集著

宓義有八卦之畫黃帝有丹書之文文王有六爻之
重漢之高帝所述有書天子所服具有典式神爵之君
僅能遵用華編成帙後世亡詔焉孝武右文紀述至富
哀為鉅集乃出後代秋風之辭柏梁之韻所可見者如
是而已

魏文帝集

文帝以著述為務自所勒成垂百篇天資文藻下筆成
章博聞強識才藝兼該唐志魏武帝集三十卷文帝

集十卷明帝集十卷 中興書目文帝集六卷賦詩各

二書表詔一雜文一 隋志十卷梁二十三卷 今所有止此

文帝八歲能屬文有逸才博貫古今 隋志魏武帝集二十六卷梁三十卷武帝逸集十卷新撰十卷

唐志晉明帝集五卷簡文帝集五卷宋武帝集二十卷

文帝集十卷梁武帝集四十卷簡文集九十卷 南史武帝制贊

序詔誥諸文
百二十卷

唐太宗集

志丁部別集七百三十六家七百五十部七千六百六

十八卷太宗集四十卷 中興書目唐太宗詩一卷凡

六十九首舊唐志太宗集三十卷今集止此

崇文目一卷

通鑑貞觀十二年三月辛亥著作郎鄧世隆表請集上

文章上曰人主患無德政文章何為不許

貞觀政要十一年著作佐

郎鄧崇表請

鄧世隆傳帝嚮學多屬文賦詩天格瞻麗意

悟冲邁十三年請加集錄帝謙不許 房玄齡表云留

情典墳屬意篇什筆邁鍾張詞窮賈馬文鋒既振宮徵

自諧 太宗帝京篇巖廊罷機務崇文聊駐輦玉匣啓

龍圖金繩披鳳篆韋編斷方續縹帙舒還卷

唐玄宗集 開元御集

志高宗集八十六卷中宗集四十卷睿宗集十卷玄宗

集卷七 集賢注記開元二十年二月敕院內修御集

學士韋述徐安貞專其事竟不成 張說傳帝好文辭

有所為必使視草

徐楚璧

開元中書舍人

帝屬文多令視草

玄宗釋孝經注老子刊月令述訓戒銘泰華集誠子

之書撰文字之音 張說云藝總六經漢光之學也文

通三變魏祖之才也緣情定制五禮之本也洞音度曲
六樂之宗也聖於翰墨倉頡之妙也 中興書目明皇
詩一卷凡五十七首

唐德宗集

志卷七 劉禹錫曰貞元中天子之文章煥乎垂光慶
霄在上萬物五色 上方嚮文章昭回之光下飾萬物
舊紀天才秀茂文思雕華灑翰金鑾無愧淮南之作
屬辭鈎槩何慙隴底之書文雅中興莫高前代

唐帝王正位文章

志總集類集古今帝王正位文章九十卷

淳化祕閣御製

元年七月丁酉以御製祕藏詮十卷逍遙詠十一卷祕藏諸雜詩賦十卷佛賦一卷幽隱律詩四卷懷感一百韻詩四卷懷感迴文五七言詩一卷凡四十一卷藏於祕閣

咸平新編太宗御集

咸平三年二月壬子翰林侍讀學士呂文仲上新編太

宗御集三十卷詔藏祕閣錄別本藏三館

文仲傳云受詔集太宗歌

詩為三十卷

祥符宸章集

祥符三年四月丁巳龍圖待制陳彭年奉詔纂歷代帝

王集凡正統十五卷閏位十卷上作序賜名宸章集詔

褒彭年書目三十五卷自舜汜唐上嘗謂近臣曰

朕欲集前代帝王文章令陳彭年纂錄自虞舜元首薰

風詩而下已成數卷此編次尤難蓋散在羣籍非廣讀不能見也

祥符太宗御書 君臣賡載集 朱邸集 文

明政化

初咸平三年二月壬子呂文仲上御集三十卷詔藏祕閣三館至祥符五年八月丁巳龍圖學士陳彭年表上奉詔編錄太宗御集四十卷君臣賡載集三十卷朱邸集十卷文明政化十卷祕藏銓三十卷蓮華偈逍遙詠

金剛經疏禪樞要緣識至理篇迴文詩心輪圖共五十
五卷九弦琴譜二十卷五弦阮譜十七卷棋勢圖譜各
一卷請付中書門下詳校從之庚申詔奉安于太清樓

資政殿崇文院祕閣西京三館各一本御撰文字總十

八部合二百十四卷

詔進彭年階勲賜金帛校勘官
劉鍇王夷簡韓義並加一階

十

一月丙辰出新編太宗御製文集及御書法帖目一卷
凡十五部總三百三十六卷以示輔臣曰先帝嗜學實
由天縱屬思援翰必極精妙朕孜孜尋訪文詞筆札殆

無遺逸

龍圖閣御集見閣類

書目朱邸集五卷太宗潛藩御製

陳彭年編錄以歌行六十五首為一卷柳枝詞五十二

首漁人詞五十首為一卷七言絕句百二十八首為一

卷七言詩百三十四首為一卷五言詩百五十二首為

一卷天禧二年正月壬寅奉安太宗文集于昭應宮

先猷殿翌日奉安御集于繼文殿

祥符太宗游藝集 法音前集 御製樂章

慶歷後序

祥符六年四月己卯召輔臣對於龍圖閣宣示太宗游
藝集御製游藝集後序太宗萬國朝天平晉二樂曲御
製樂章五首法音前集七卷仍賜王旦等各一本詔太
宗聖製曲名三百九十首并九絃琴五絃阮譜字變絃
法并調弄操引名共三百三十六首付修史院及太樂
局又詔太宗聖製萬國朝天樂曲宜曰同和之舞平晉
曲曰定功之舞二曲雅樂譜并樂章令太常禮官參議
於郊廟祭饗遞用真宗取太宗御製樂譜棋圖歌詩

為游藝集凡百二十卷 仁宗慶厯八年三月甲寅幸
龍圖天章閣觀游藝集命侍講魯公亮重加詳校及親
為後序以示羣臣 太宗洞知音律製大曲十八平戎
破陣以下是也曲破二十九宴釣臺是也小曲二百七
十一陽生以下是也新聲五十八傾盃樂以下是也凡
三百九十曲 淳化二年閏二月己丑內出御製獨飛
天蛾大海求明珠二棋勢示三館學士皆不能曉上召
裴愈授以指要

祥符太宗御製御書目錄

六年正月賜王旦等

見後聖文
神筆頌

太宗御集四十卷目

一卷朱邸集十卷目一卷至理動懷篇一卷文明政化

十卷逍遙詠十卷緣識五卷祕藏詮三十卷禪樞要三

卷蓮花心輪迴文偈頌二十五卷心輪圖一卷注金剛

經疏宣演六卷迴文詩四卷君臣賡載集三十卷目二

卷棋譜圖三卷琴譜二卷九絃琴譜二十卷五絃阮譜

十七卷凡百一十九部總二百一十八卷龍閣太清樓

御書院祕閣各藏一部副本二千一百四十八部總萬四千五百八十六卷文集中錄出歌詩文賦別行總千四十四卷分藏于龍圖閣御書院至理動懷篇至惠化行並文集中錄出別行十二願至百官歷子序刻板于御書院心輪圖大言賦並錄出別行筆法歌至日行誠刻石于御書院祕閣贊刻于祕閣趙普碑在河南平晉記詩賦刻石并州 祥符二年十一月甲寅遣使以太宗御製御書各六十二卷賜輔臣人一本皆未放示於

外者三年四月丁巳翰林侍讀學士郭贄上太宗在藩
聖製及應教次韻詩四卷先是贄事晉邸太宗凡有篇
詠多令繼屬贄悉藏於家入直禁中以獻詔獎之八年
閏六月甲辰詔以太宗御製妙覺集五卷編入佛藏九
年正月庚午趙安仁錄妙覺集歌詩為二卷名妙覺祕
詮錄聖製法音集論頌贊詩為三卷名法音指要

祥符靜居集 王宸集 維城集

六年八月丙戌出御製靜居集三卷丁亥出法寶錄序

示王旦等七年六月己未晁迥等以御製靜居玉宸集
太宗御書羣書記副本於祕閣奉藏從之 書目靜居
集三卷玉宸集五卷法音集七卷又維城集三卷真宗
在藩邸與諸王洎僚屬唱和詩始於晚春一章終於新
創假山書洞贊

祥符集御製文頌歌詩 館閣聖製

見御詩 祥符八年二月辛酉聖製文集賜王清昭應
宮 九年六月乙未上曰唐朝諸帝皆有文然厚重高

簡明皇為最德宗文甚精而性剛不聽納

天禧御製文論歌詩

見觀書

天禧明良集

天禧二年九月癸酉龍圖閣待制李虛已上奉詔集羣

臣所和御製詩為明良集五百卷詔賜器幣

當參攷御詩類崇

文目在總集

進明良集表云漢朝洪藻惟聞栢殿之短章

唐室多文獨載景龍之方冊洪惟盛世倍越前修真

卷二十一
宗在藩邸多與諸王洎僚屬唱和詩詠嗣位之後繼有
述作每有禮慶及玩閱文史覽矚風物褒近臣逸士率
為歌詩布於下

天禧御製

天禧四年十二月輔臣以御書御製共二十卷進呈皆
帝親筆及親作草本

天禧真宗御集

注釋御集

天章閣御集

聖政

記

天禧元年十一月庚子龍圖閣待制李虛已等上新編御集百二十卷目錄三卷召輔臣向敏中等于滋福殿以示之觀畢稱謝四年春著作佐郎張仲尹上言御製文集望詔儒臣箋注既而兩制拜章繼請遂從之

實錄云四

年六月甲子學士楊億等言會要同

六月甲午詔宰相寇準參政李迪

參詳學士楊億錢惟演盛度等十人為注釋官仍就禁

中崇文院為注釋所七月壬子又以館閣官張復等二

十七人為檢閱官準迪罷丁謂馮拯代之注成

八月癸未賜注

釋官宴于祕閣始事也

又命祖士衡錢暖聶冠卿李淑分定卷第

米國朝日厯益注新事分百五十卷命徐奭校勘乾興

元年馮拯以獻賜器幣有差

十二月甲辰命晏殊詳覆箋注釋典文集

天

禧四年十一月壬戌宰臣言聖製已分部帙望摹印賜

館閣及名山規度禁中嚴潔之所別創殿閣緘藏詔可

甲戌請於龍圖閣後建殿閣

詔丁謂等作天章閣奉安御集十二月

己亥命輔臣典領乙巳興工宴于龍閣五年三月戊戌

閣成

會要二月畢功癸酉上梁臨幸

庚子令具兩街僧道威儀教坊作

樂奉御集御書自玉清昭應宮安于天章閣羣臣稱賀
賜宴四月壬戌召近臣館閣三司京府官觀御書御集
于閣下遂宴于羣玉殿時輔臣集御製為三百卷頌銘
碑文十八卷贊八卷詩三十七卷賜中宮詩七卷賜太
子歌詩箴述五卷龍圖閣歌詩四卷水殿詩一卷清景
殿詩二卷四園詩三卷三教詩九卷讀經史詩四卷維
城集三卷奉道詩十卷歲時新詠五卷樂章一卷樂府
集并新詞五卷

書目總云詩八十九
卷歌十五卷詞四卷

論述十卷序八卷

歲七條各一卷記六卷又三卷又一卷書十卷正說十卷承華要畧二十卷靜居集三卷玉宸集五卷法音前集七卷春秋要言五卷試進士題一卷密表密詞六十

九卷玉京集二十卷

實錄三十

授時要錄二十四卷又取至

道元年四月訖大中祥符歲中書樞密院時政記史館

日厯起居注善美之事錄為聖政紀凡一百五十卷並

鏤板又以御書石本為九十編命中使岑守素主其事

至是功畢焉

會要五年四月以御書石本藏天章閣書目玉京集二十卷詩三手書一密表十

二密詞三共二十卷與授
時要錄不在御集日中

實錄天禧四年十一月戊

午上御龍圖閣召近臣觀圖籍御製文論歌詩因謂輔
臣曰朕聽覽之暇留心翰墨久而不廢遂盈卷表丁謂
等曰陛下聖文冠古今願付臣等編集仍鏤板頒示天
下上許之庚申內出聖製七百二十二卷付輔臣壬戌
宰臣請創殿閣緘藏詔可五年正月癸卯上作御集聖
政紀二序示輔臣 仁宗乾興元年八月辛亥賜輔臣
先帝御集三百卷釋典文集一部清景殿詩二卷三惑

論欽器論天童經各一冊聖政紀一百五十卷 會要

天禧四年二月戊子選僧三十人注釋聖製述釋典文
章從僧祕演之請也四月乙未命楊億王曉詳覆箋注
五年八月庚午詔以御集二十一本賜天下名山寺觀
及賜輔臣一本九月丙戌丁謂等上箋注釋典御集三
十卷目一卷 中興書目真宗御集三百卷御製序

景祐三年十二月辛酉呂夷簡請編次法音後集從之

真宗歌

閔農 閔兵 修身 恤黎民 念農 喜
雨 述懷 觀麥 喜豐年 為政 太清樓

閱書 奉先 喜春雨 觀龍 瑞雪 學書
書目云詩八十九卷歌十五卷詞四卷

吟

軫田夫 貴康食
勸學

箴

自戒 守官 為政 六藝
元良 內侍 書目一卷

記

彈元壁 太清新寫書籍 太宗御製御書
資善堂 玉宸殿 玉宸羣書 書目六卷

論

勤政 為君難為臣不易 崇儒術 思政 守
道 寬財利 恤刑 明諫 設官思賢 建官

守官

歌器

書目九卷

述

奉天庇民 奉神 元良
欽承寶訓 書目一卷

序

乾坤寶典 太宗御製御書二 御札墨迹二
御書故事 御札御批封題 宸章集 春秋要

言前後 龍圖閣 宣政殿 述古殿 聖政紀
寶文統錄 封神記 冊府元龜 諸王唱酬詩

先天紀 御集
書目八卷

康定編太宗聖製 永熙政範

康定元年七月五日 戊午 集賢校理李昭遘上所編太宗

晉邸聖製三卷 一云二十卷 永熙政範二卷 一云三卷 詔褒之

治平仁宗御集

治平元年五月十一日丁未命天章閣待制呂公著修

起居注邵必編集仁宗御製公著等奉敕悉發寶文舊

藏而編次之

就資善堂編

二年十月甲寅編成一百卷以進

目錄三卷

英宗御延和殿服靴袍觀之兩府皆侍詔以御集

藏于寶文閣四年五月乙巳以公著兼寶文閣學士必

為直學士書目仁宗御集一百卷詩二卷樂章二卷

述一卷銘六卷手詔一卷記一卷碑二卷邊防一卷挽

詞一卷觀文鑒古圖述十卷審樂要記四卷樂府要畧

二卷樂髓新經二卷通英聖問三卷欽崇禋祀記三卷

洪範政鑑二十四卷洛書五事圖一卷風角集占三卷

神武祕畧十一卷攻守圖一卷釋門十三卷道門二卷
密表詞五卷 英宗製序曰敘裡祀饗升歌樂章藏于
有司薦于郊廟者多矣而登臨遊賞之適割鮮獻獲之
樂前世所誇者未始一及焉萬幾之暇泊然凝神不見
所好惟躬閱寶訓陳經邇英究鍾律之本元訓師兵之
武畧披圖以監古銘物以自戒從事於清閒宴息之餘
者不過此類嗚呼大禹之勤儉也永惟聖作刻之玉版
藏之金匱以垂無窮俾知我聖考之所以為仁者自勤

儉始 仁宗下議樂之詔以考鍾石之和置寫書之官
以綴經墳之學通英敷席圍講藝也凝機被宇資味道
也藻思粹發窮聖作也飛毫灑落肆天縱也 馳仁聖
之極摯蹈帝王之登閤

英宗御製

兩朝藝文志別集類英宗御製一卷

元祐神宗御集 聖製神宗文集序

元祐二年正月辛巳命中書舍人蘇轍劉攽編次神宗

御集四年三月己酉三省樞密院言請聖製神宗文集
序從之序曰伏羲始作八卦堯記握河舜演洛書禹訓
湯銘周之文王有謨有誠皆以人文為後世法我國家
祖謨宗烈咸有述作以垂典則神宗號令文辭天下傳
誦昧旦聽朝至于日昃間下細札大臣絕企清先訪問
侍臣宿儒莫不自失指授諸將應變制宜雖在千萬里
外盡得形勢之要先後緩急之機無遺畫蓋性與天道
之自然故發言成章肆筆成書範圍周密而不拘彌綸

廣大而不過信所謂大哉王言固天縱之將聖又多能也謹編集為九十卷始以詩頌而雜文次之以邊防祕計終焉所以紹祖宗而垂法與詩書而並傳十月戊戌日翰學蘇轍進呈神宗御製集命宰執觀讀呂大防進讀詩數篇戊申轍奏神宗御製集凡著錄九百三十五篇為九十卷目錄五卷內四十卷皆賜中書密院及邊臣手札言攻守祕計先被旨錄為別集不許頒行仍製集序一篇以紀盛德發明大訓竊見祖宗御集皆於西

清建重屋號龍圖天章寶文閣以藏其書為不朽計又
刻板模印徧賜貴近乞付三省依故事詔御集藏於寶
文閣 六年九月詔以邊機四十卷送密院機要庫掌
之十月四日三省進神宗御筆一百七十五策 紹聖
中詔再加編次至元符三年六月書成比元祐所集凡
增八千八百七十二篇通為二百卷更以文辭政事邊
防三門為目靖國元年詔以文辭十卷政事一百五十
卷鏤板頒賜

總九千八百餘篇

元符元年四月十八日建顯

謨閣藏神宗御集

書目一百六十卷

淳熙元年十二月十四

日修職郎方擬上其父閣所藏詔付祕府 蘇轍進神

宗御集表曰伏觀歷代帝王如漢武魏文唐德文宣三

宗皆工於詩騷雜文與一時文士比長絜大至於經綸

當世講讀利害以文墨盡天下事則皆不足仰望先帝

之萬一惟漢光武得治民馭兵之要每以手迹十行細

札號令海內竇融在河西詔書至探融等情偽河西皆

驚以為不可欺第五倫每讀詔書曰此聖主也魏太祖

自作兵書十餘萬言諸將征伐皆以新書從事又手為節度惟此二君近之然先帝之文其高處自當與典謨訓誥為比非近世所能髣髴

崇寧哲宗御集

崇寧元年十二月十六日詔實錄院編修哲宗御製五年七月二十七日書成共一百冊凡二千五十七篇大觀元年二月十三日詔重加編纂得五十冊以元祐垂簾為前集紹聖元符親政為後集四月又詔刪定所存

者凡六百九十三篇成三十冊以進二年四月奉安于

顯謨閣

淳熙元年十二月方擬上之

中興書目前後集二十七卷

前集政事十八卷文辭一卷

共十九卷

後集文辭一卷政事

七卷

共八卷

紹興十六年七月陳泰初集神哲御集一

百十八冊乙酉進泰初一秩

崇觀宸奎集

書目一卷徽宗御製記一序三詩章三百七十

紹興徽宗御集

紹興二十四年十一月十七日

繫年作九月己巳
作十月三十日壬午誤

實錄院奉詔編次徽宗御集成上之初檢討官朱翌言
四方以徽宗聖製來上願詔史官編類倣五閣之制藏
之無窮於是翰苑擬撰閣曰敷文至是書成凡詩百九
十有五宮詞二百賦一序十二記十碑四策題九文七
樂章二挽詞二十七雜文十五詩解九論語解二道德
經解八南華沖虛經解二十聖濟經十科儀二政事手
札千三百五十邊機手札二百四十四通為百卷

上御
垂拱

殿再拜
受書

帝親製序冠于篇首權奉安於天章閣

開禧高宗御集

開禧元年七月二十四日實錄院上高宗御集一百卷
初淳熙十五年六月二十九日詔實錄院編纂七月十
一日詔臣僚各上御製手詔等至是成書 進高宗御

集表曰由姚虞迄于唐世宸章嘗集于名公仰熙陵洎
於徽皇睿製分藏於延閣詩陳夏禹列邦猶取於焦思
贊首宣尼高第徧加於速肖郊祀摛聲歌之薦禠祠致

祝饗之虔付國論於柄臣授邊機於閫將布山東之詔
老癯思及於化成賜河西之書遠外莫逃於明見坦然
帝制可舉而行啓我後人咸正罔缺世更三聖教立百
篇

慶元編孝宗御製

慶元元年十二月十八日詔實錄院編修孝宗御製

嘉泰元年十月二十七日詔編類光宗御製開禧元年
十二月一日詔限二年成書 淳祐五年二月孝宗光

宗御集成上之 景定二年三月寧宗御集成上之

雜御製

宓戲作八卦 文王重易六爻

漢志易曰宓戲氏始作八卦以通神明之德類萬物之情文王重易六爻作上下篇孔氏為之彖象繫辭文言

序卦之屬十篇易道深矣人更三聖世歷三古 左傳

正義引易云伏羲作十言之教

漢志神仙家宓戲雜子道二十篇 周外史掌

三皇之書 書

序三墳言大道

黃帝書

黃帝四經

丹書

見銘類

列子天瑞黃帝書曰谷神不死是謂玄牝玄牝之門是謂天地之根綿綿若存用之不勤又曰形動不生形而生影聲動不生聲而生響無動不生無而生有

又黃帝曰精神

入其門力命篇黃帝之書云至人居若死動若械

列子多引黃帝

書蓋古之微言傳久而差者也

晉天文志黃帝書曰天在地外水在

天外水浮天而載地者也東京賦注風俗通曰黃帝

書上古時有神荼鬱壘呂氏春秋黃帝言曰聲色禁

重黃帝曰帝無常處也有處者乃無處也芒昧因天之威與元同氣黃帝曰四時之不正也正五穀而已矣又云嘗得學黃帝之所以誨顓頊矣爰有大圜在上大矩在下汝能法之為民父母 六韜黃帝曰一者階於道

幾於神

漢藝文志道家黃帝四經四篇黃帝銘六篇

黃帝君臣十篇

起六國時與老子相似

雜黃帝五十八篇

六國時賢者所

作

陰陽家黃帝泰素二十篇

六國時韓諸公子所作

小說家黃帝

說四十篇兵陰陽黃帝十六篇圖三卷五行家黃帝陰

陽二十五卷醫經黃帝內經十八卷外經三十七卷

史記黃帝老子言正義曰黃帝道書十卷

蓋公善治黃
老言曹參治

齊用黃老術實
太后好黃老言

後漢志天文星官之書自黃帝始歷

志黃帝班示文章 隋志漢時諸子道書之流有三十

七家大旨皆去健羨處冲虛其黃帝四篇老子二篇最

得深旨 周禮外史掌三皇五帝之書注所謂三墳五

典 晉皇甫謐曰黃帝創制於九經

唐殷敬順釋列子
云黃帝得長生之

道在位
百年

唐獨孤及風后八陣圖記云得其遺制於黃

帝書之外篇 梁肅導引圖序朱少陽得其術於黃帝

外書 賈誼新書修政語黃帝曰道若川谷之水其出

無已其行無止

上疏曰黃帝曰日中必昃注見六韜

淮南繆稱訓黃帝

曰芒芒昧昧從天之道與元同氣

漢高皇帝所述書 高祖傳 孝文傳

魏相傳相為丞相數表采易陰陽及明堂月令奏之曰

天子之義必純取法天地而觀於先聖高皇帝所述書

天子所服第八

如淳曰天子衣服之制也於施行詔書第八

曰大謁者臣章

受詔長樂宮曰令羣臣議天子所服以安治天下相國

臣何御史大夫臣昌謹與臣陵臣通等議春夏秋冬天

子所服當法天地之數中得人和臣請法之中謁者趙

堯舉春

服虔曰主一時衣服制朝祭百事

李舜舉夏兒湯舉秋貢禹舉

冬四人各職一時大謁者襄章奏制曰可志儒家高

祖傳十三篇

高祖與大臣述古語及詔策

孝文傳十一篇

文帝所稱及詔策

隋志梁有漢高祖手詔一卷

古文苑有高祖手勅太子

漢五家要說章句

劉向有五行傳尹咸校三十家

桓郁傳永平十四年顯宗自制五家要說章句令郁校
定於宣明殿注華嶠書曰帝自制五行章句此言五家
即五行之家也宣明殿在正陽殿後東觀記上謂郁曰
卿經及先師致復文雅其冬上親於辟雍自講所制五
行章句已復令郁說一篇上謂郁曰我為孔子卿為子
夏起予者商也

十五年入授
皇太子經

漢光武本紀

東平王蒼傳顯宗永平十五年三月幸東平以所自作

先武本紀示蒼蒼因上光武受命中興頌 班固傳永

平中為蘭臺令史與陳宗尹敏孟異共成世祖本紀

所示

東平王恐一書也

北史蕭太圜云漢明為世祖紀章帝為顯

宗紀 宣和四年七月哲宗正史成御製紀

漢皇義篇

靈帝自造五十章引諸生能為文賦者

魏文帝士操

隋志名家一卷

魏典論

明帝太和四年二月戊子詔太傅三公以文帝典論刻石立于廟門之外 唐儒家類五卷

梁孔子正言

隋志孔子正言二十卷梁武帝撰 又撰制旨新義

任孝恭撰武帝集序 武帝撰五經講疏及孔子正言

紀云撰通史六百卷金海三十卷制旨孝經義周易

講疏及六十四卦二繫文言序卦等義樂社義毛詩春

秋荅問尚書大義中庸講疏孔子正言孝經講疏凡二百餘卷王侯朝臣奉表質疑皆為解釋躬制贊序詔誥銘誅箴頌牋奏諸文百二十卷

唐金鑑書序

一卷一名金鑑述

實錄

帝學同

貞觀二年正月庚午著

金鑑述以示侍臣

太宗曰朕保此三鑑以防已過

宣宗大中二年二月

庚子令狐絢為翰林學士夜召與論人間疾苦帝出金鑑書曰此太宗所著也卿為我舉其要絢摘語曰至治

未嘗任不肖至亂未嘗任賢任賢享天下福任不肖罹

天下禍帝曰善朕讀此書嘗三復乃已絢再拜曰陛下

必欲興王業捨此孰先

太宗召翰林弘遠撰金鑑書三十卷

張蘊古上

大寶箴

箴在卽位之初

云爰述金鏡窮神盡聖便物以心應言

以行苞括治體抑揚辭令

虞世南聖德論著金鏡帝

範論君臣之道序仁義之方商畧古今以為監誠懲苛

治而戒末弊贊黃皞而詠唐虞德宗君臣箴與金鏡

而高懸文苑英華太宗金鏡云觀治亂之本源為明

鏡之鑒戒亂未嘗不任不肖治未嘗不任忠賢理人必
以文德防邊必以武威建大廈者先擇匠然後揀材為
國家者先擇佐然後定民以大材為棟梁小材為榱桷
仲尼師於郟子文王學於虢叔哲后求才若旱苗之思
雨閭主護短而永愚明主思短而長善屈一身之欲樂
四海之民子從令者不得為孝臣苟順者不得為忠要
荒為枝葉畿內乃本根高祖失於存功之能光武獲於
置將之妙

又見太宗御覽云太宗思隋氏失道皇運開
基因而序之以明誠謹神筆書石命工刻之

以賜皇太子未云明
鏡不遠於馬自鑒

序帝意若日照形之真者莫如

鏡燭理之徹者莫如心乙夜之觀雖極羣書參前倚衡
豈無網領於是探賾游神誕敷宸藻撮其機要彙著于
篇黃昊之無為唐虞之至治贊詠締玩不能自己夏殷
之季世秦漢之暴君凜然兢懼背而去之以億兆為心
以萬邦為意謂安人必以文德謂防邊必以威武任賢
使能則以人為鑑任一不肖則思遠佞人以大材為棟
梁以小材為榱桷以至好惡當謹表儀當正則曰君猶

器也民猶水也方圓在器不在水德性必尊問學必礪
則曰仲尼師郟子文王學號叔勤於求賢則曰治主思
賢若農夫望歲哲后求才若旱苗思雨美惡為鑒則以
周公紀信屈原為美以易牙宰豷爰益為戒是書有曰
治亂本原是為明鏡又曰以此觀之足為永鏡文辭諄
複意誼深長所寶三鑑人實為重賜金背鏡賞高馮之
清鑒太宗以金背鏡賜高季輔或進大寶之箴或進惟皇之誠自比
於金資良匠而加礪亡國起戒為止水之照形任賢納

諫惓惓如此夫豈明照之不足者味帝之書且有短於
自見不聞逆耳之言之訓然則虛心盡下反觀自照固
是書之綱領歟雜書有言秦失金鏡鄭玄以為喻明道
劉孝標著論謂聖人握金鏡而闡風烈永徵上正義之
表照金鏡而泰階平貞元賜君臣之箴與金鏡以高懸
開元賢相金鏡著錄張九齡千秋金鏡錄事鑒十章委曲諷諭視
帝此書庶幾得其遺焉按實錄是書一篇凡千八百餘
言大寶箴云爰述金鏡窮神盡聖四部書目乃沒其名

或謂儒家序志一卷列諸帝範之上者即此書是又無所據或曰金鏡述或止曰金鏡 器車與河圖並傳弘璧以大訓俱顯富哉天地之藏無書焉未足以為寶也

唐御撰晉書 四論 御銓定漢書

志晉書房玄齡等修名為御撰 會要宣武王陸四論稱制旨 志又云御銓定漢書八十七卷高宗與郝處俊等撰

唐太宗御製

唐太宗貞觀十九年將征遼二月次河陽丁巳贈殷比
干太師自為文祭之次鄴為文祭魏太祖墓三月丁丑
幸定州經北嶽自為祭文四月行軍總管姜確卒為五
言詩以悼之十月班師次漢武臺餘基三成傍有祠室
帝製文刻於石十二月定州御步輦而行帝攬筆於輦
中為詩二十年正月幸晉祠立碑製文親書於石二十
一年八月為文叙十驥二十二年正月戊戌幸溫湯癸

卯御製溫湯碑示羣臣王公咸曰天文雅興超象繫之
表神筆自書勒溫井之側三月帝以胡塵無警朔漠來
王乃制戎狄賓服之文又制玉華宮山銘示羣臣詔令
學士並作十一年為文祭漢楊震帝博覽羣書總其宏綱殆於

萬卷適文麗藻一時冠絕威鳳之賦積翠之詠慶善有
章帝京有篇金鏡之述帝範之訓晉史之論聖教之序
論兵之問對

唐帝範 序志

志儒家太宗序志一卷帝範四卷

賈行注

通鑑貞觀二

十二年正月己丑

會要二十三年正月二十日

作帝範十二篇賜太

子曰君體建親求賢審官納諫去讒戒盈崇儉賞罰務

農閱武崇文

貞觀政要議征伐篇載太宗帝範

且曰飭躬闡政之道備

在其中又曰汝當求古哲王為師如吾不足法也會

要寶歷二年五月著作郎韋公肅注帝範十二篇上之

中興書目帝範二卷太宗撰凡十二篇

天聖四年閏五月學士宋

綬錄進帝範二卷

崇文目

讀書志一卷今存者六

一卷

述修身治國之要言

篇 帝範序曰若臨深而馭朽冀善始而令終汝以幼年義方多闕未辨君臣之禮節不知稼穡之艱難余每思此為憂今自軒昊以降迄于周隋經天緯地之君纂業承基之主興亡治亂其道煥然披鏡前蹤博採史籍聚其要言以為近誠 訓戒六篇製于開元君臣事迹述于元和

唐天訓

會要顯慶二年六月上製元首前星維城股肱誠次著

股肱論令許敬宗等注釋名曰天訓

注畢敬宗為序

志儒家

高宗天訓四卷武后紫樞要錄十卷臣軌二卷百寮新

誠五卷少陽政範三十卷青宮紀要三十卷

崇文目青宮要記十

卷列藩正論三十卷維城典訓二十卷訓記雜載十卷

采青宮紀要維城典訓古今內範內範要略等書為雜

載

凡武后書皆元萬頃等撰

文苑英華天后臣範序云想周朝之

十亂爰著十章思殷室之兩臣分為兩卷

唐御注孝經

制旨

見孝經

孝經六家

金石錄明皇注孝經四卷天寶四載九月八分書御製
序云舉六家之異同會五經之旨趣約文敷義分注錯
經寫之琬琰庶補將來

取王肅劉勰虞翻韋昭劉炫陸澄六家之說參攷孔鄭舊義

唐御注道德經

志玄宗注道德經二卷又疏八卷

有序

河上公注二卷梁

武帝講疏六卷陸德明疏十五卷

冊府元龜開元九

年三月置石柱於景龍觀令司馬承禎依蔡邕石柱三
體書寫道德經十年正月己丑詔置崇玄學十八年十

月命集賢學士於三殿講道德經二十年正月令士庶

家藏是經貢舉加老子策二十三年三月癸未

二十七日親

注并修疏義八卷及制開元文字音義三十卷頒示公

卿藏之祕府二十四年八月庚午道士於龍興觀發揚

御書道德經二十九年九月御興慶門樓親試道舉天

寶元年二月乙酉置混元廟五載詔曰頃改道德經載

字為哉仍隸屬上句衆以為然遂成注解十四載十八

日甲午頒御注老子

并義疏於天下

以注疏分示十道各令傳寫以付

宮觀 選舉志注成詔天下家藏其書貢舉人減尚書

論語而考試老子天寶中加號玄通道德經世不稱之

漢志老子鄰氏經傳四篇又有傳氏徐氏劉向說

宋朝徽宗御製解政和八年八月十一日頒刻石

唐開元訓誡

又見東宮

御集誡子書

開元二十五年八月甲子帝制訓誡六篇以示諸王其
旨蓋明君臣父子之義齋祭稼穡之事忠王璵等上表
請宣付史官及示百僚許之宰臣奏聖謨垂訓輝映千

古望宣布中外手詔諭曰周公誠伯禽曰無以魯國驕

人朕方聖雖慙豈忘誠子聊示庭訓何足宣布

或謂即御集誠

子書一卷也

志小說家開元御集誠子書一卷

崇文目同

睿

宗景雲元年十二月手敕戒諸王

唐玄宗事類

志類書類玄宗事類一百三十卷又初學記三十卷

張說

類集

唐大衍論 金風樂

志玄宗周易大行論三卷金風樂一卷

唐韻英 開元文字音義

見小學

志小學類玄宗韻英五卷天寶十四載撰詔集賢院寫
付諸道傳布天下 王維和聖製聖札賜宰臣連珠詞
五首

唐刊定月令

志御刊定一卷

詳見時令門

醫術類玄宗開元廣濟方五

卷德宗貞元集要廣利方五卷

親製序

唐前代君臣事跡 連屏 君臣事跡屏

續會要元和四年四月給事馮伉著三傳異同三卷其

年七月乙巳朔御製君臣事跡十四篇

舊紀同

上以天下

無事留意典墳每覽前代得失興亡之事皆三復其言

又讀貞觀開元實錄見太宗撰金鏡書及帝範上下篇

玄宗撰開元訓戒思繼前躅遂採尚書春秋後傳史記

班范漢書三國志晉書晏子春秋吳越春秋新序說苑

等書君臣行事可為龜鑑者集成十四篇一曰君臣道

實錄云君臣道合

二曰辨邪正三曰戒權倖四曰戒微行五曰

任賢臣六曰納忠諫七曰謹征伐八曰謹刑法九去奢

泰十崇節儉十一獎忠良

一作忠直

十二修政教

或云修德政

十

三戒田獵

一作簡田獵

十四錄勲賢分為上下卷上自製序

曰前代君臣事跡至是以其書寫於屏風列於御座之

右書屏風六扇於中

一本云遣中使程文幹以書屏至中書

宣示宰臣李

藩裴垍曰朕近撰此屏風親所觀覽故令示卿藩等上

表賀

會要宰相雜錄作三年七月宣示宰臣非也

李絳傳因進諫憲宗曰

美哉斯言朕將書紳即詔絳與崔羣錢徽韋弘景白居易等搜次君臣成敗五十種為連屏張便坐帝每閱視顧左右曰而等作意勿為如此事

連屏事見屏門

志儒家憲

宗前代君臣事跡十四篇白居易集有批賀御撰君臣事跡屏風表

唐纂集尚書圖 御集春秋經傳

文宗每對宰臣深言經學太和二年五月帝纂集尚書中君臣事跡命工圖寫於太液亭朝夕觀覽九年乙巳

朔以御集春秋左氏列國經傳三十卷宣付史館

雍熙御製雜言

雍熙三年十月庚戌下元節宴輔臣于樞密使王顯第
夜分就賜御製雜言一篇

文明政化

見御集

國史藝文志儒家以太宗文明政化十卷真宗正說十
卷為首

祥符文武七條

二年十一月丙辰作文臣自清心至革弊武臣自修身至威嚴三年五月乙未賜輔臣御注文武七條八年六月辛未變路漕臣臧奎請令天下刻石治所或書公廨之壁從之

三年九月甲辰內出手札示輔臣令頒示江淮南安撫使諭以撫卹之道凡十六條

慶厯四年十二月丁酉上以官吏不奉詔條申敕以聖考七條更相誨勵

詳見後戒吏

熙寧五年八月辛丑詔朝

辭日罷賜誠勵敕及七條儒行篇

祥符座右文

祥符初趙湘請封禪帝製五箴以自儆三年三月丁酉
上謂王旦曰北邊結好朕居安慮危著文自警置之座
右朝夕觀之又出自戒箴守官箴貴康食吟軫農夫吟
念農歌以示旦等

祥符東封聖製

頌銘

晏殊東封聖製頌序曰皇帝御極之十二載受靈貺對
休命龍鸞麗藻封勒於寶文黼黻作繪彰施於翠琰日
中麗乎王宇天下布乎堯言真聖明之述作也有司稽

銘嶽之典講勒成之舊寅威寶命丕顯祖烈於是有登
泰山謝天書述二聖功德之銘神靈之府肇建福庥發
生之宇增闕嚴祀於是有九天司命青帝廣生之贊魯
瞻為羣嶽之長禹跡播千里之潤加隆徽號彰明視秩
於是有天齊王靈源之贊旌霸王之輔疇制作之功於
是有昭烈武成文憲王之贊懷柔百神登秩羣望於是
有玉女泉石像之記幾深極乎繫象訓誥示乎軌範垂
之日月以宣景耀刻于金石以為表經矧復仙毫炳蔚

鴻筆輝潤風雲動色造化為工溫珉華玉鏤若飛之翰
石壁金記垂不朽之制所謂躬列辟之能事矣古者滕
書秘語紀號專美而陛下順命昭考古者金篋玉策迎
年探壽而陛下祈福庇民彼西奔紀名之累刻頌風聲
逖聽不其慙歟

詳見碑
銘類

二年五月戊午於後苑示輔

臣 三年正月丙子知樞密院陳堯叟上泰山封禪聖
製頌詔答之上又以其詞有規切之意作歌以賜戊寅
作新製泰山銘記周備五言詩賜王旦 二年六月丙

午內臣言聖製泰山銘已刻石于太平頂別刊于會真
宮又司命天尊仁聖天齊王元聖文宣王昭烈武成王
澶州河瀆靈源公贊刊石于各殿之東楹又定封祀社
首朝覲三頌立石之所具圖以聞詔元聖文宣王贊勒
文于石壁社首壇頌立石更衣殿餘從所奏十一月壬
子朔奏泰山太平頂磨崖刊勒聖製功畢七年三月丁
酉丁謂陳彭年請以奉祀緣路聖製刻石分立于太清
明道宮洎亳州南京從之

天禧正說

真宗讀經史撫其可為後世法者著正說十卷凡五十篇始於正心終於諍臣有前後序備言監古為治之意天禧元年二月戊寅幸龍圖閣出是書及春秋要言三卷示輔臣二年以賜皇太子三年十月辛卯賜輔臣書目正說十卷

一正心止容納二辨才止審官
三仁義止為政十災異止諍臣

後序

有魏文之論聊以同時之語

天禧春秋要言

見上 書目五卷 實錄三卷

天禧承明殿御製

四年十二月廿二日己亥對輔臣洎王欽若等于承明

殿示以御製文章

一作文章

數軸及粉牋銷金紙賜中宮詩

什手書等

命輔臣典領修御集殿閣

天禧承華要略 元良述 六藝箴 授時要

錄

咸平五年十月觀書龍閣帝曰青宮要記

一作紀要唐志青宮紀要

三十 繼體治民論一書二名並列篇目蓋求書之初務

數多不嫌重複也天禧三年上以青宮紀要事有未備

乃博采羣書廣為承華要略二十卷

書目同始主器謹習終師古有常每

篇著

九月丙子

二十三日

召宗室宰臣兩制以上對清景殿

觀御製賜皇太子元良述六藝箴各一卷承華要略十

卷授時要錄十二卷又以御覽國史兩朝實錄太宗御

集緯術祕書經史子集并御集御覽羣書賜太子命從

臣編閱又作七言十韻詩賜宰臣準等遂宴于殿內十

二月辛卯賜輔臣元良述六藝箴各一卷承華要略正

說各十卷

要畧再賜則總為二十卷也

承華要畧序曰皇太子爰

自齡年即彰敏悟既親外傳彌顯英聰每視膳之有餘則披文而忘倦朕喜其好學念及貽謀昨者偶以清閒徧觀冊府因得青宮要記頗合素心洎夫詳閱其中亦多未備於是精求雅誥更廣異聞頗歷歲時漸成編軸或逢暇景乃運柔毫各附篇章述為論贊雖慙淺近無所發明庶俾元良愈隆至業聊題於此以記其端凡五

十篇分為二十卷 周必大曰承華要畧皆述事于前
立論于中為贊于後凡六經之文歷代之史百家之說
撮其樞要無所不備雖聖謨淵懿未易窺測至於先後
之序可得而言蓋儲貳正天下之本故先之以主器性
質繫染習之端故次之以謹習人之行始於事父母故
次之以述孝孝之至在乎敬宗族故次之以睦親行備
於內必求正於外故次之以崇師崇師所以求益也故
次之以務學學莫大乎六經故次之以宗經經所以明

道也故次之以貫道道然後有德故次之以尚德德然後有仁義故次之以仁義本仁祖義不可不勤故次之以勤志志廣功崇不可不謹故次之以持謙謙者卑以自牧之謂也故次之以恭謹恭者無所不敬之謂也故次之以戒謹戒謹其所不睹恐懼其所不聞故次之以兢懼臨事而懼語不可以不擇故次之以出言出言既善儀不可以不肅故次之以正容容正於外又當脩飭其內故次之以治身身脩於內人將取則故次之以好

尚好尚不審必為物惑故次之以聰智聰明太過必失之察故次之以清心存其心則知其性矣故次之以養性性而不能守者利慾汨之也故次之以去奢去奢莫先乎儉故次之以節用節用者天所相也故次之以致福自是而上所以脩身行己者至矣盡矣又當選左右前後之人為己之助故次之以禮賢賢不易知也所禮非其人則賢者遠而不肖者進矣故次之以知人明乎知人則賢能可得而擇故次之以選士士雖被選不用

其言亦何補哉故次之以從諫雖然聽言亦多端矣辨
足以惑衆智足以濟姦為害不可勝言故雖帝堯之明
壬人猶在所難孔子之聖佞人猶在所遠况後世乎故
以辨佞終焉蓋佞者才也惟有才者為難辨今而能辨
是乃學之大成也

淳熙二年十二月十一日必大進東
宮故事書目云終師古有常此云

終辨佞又不及
五十篇當考

遠稽唐宗之範熟復章聖之書則三善

皆得萬邦以正

天禧賜東宮御製

天禧四年十一月甲戌翰林學士左庶子晏殊太子宮祇候楊懷玉上新編賜東宮御製五十卷時輔臣論次御集乞降賜皇儲文字遂命殊懷玉纂集至是來上

乾興真宗政要

乾興元年九月戊子內出真宗政要十卷示輔臣蓋上於章聖紀中撮其要而為此書

御製元良述

紹興四年八月九日秦魯國大長公主上家藏仁宗在

東宮時真宗所賜御製親書元良述一軸詔送史館祕書省

景祐樂髓新經

見樂類

書目三卷 二年八月丁丑出樂髓新經六篇賜羣臣

康定洪範政鑒

又見天文類

審樂要紀

康定元年十一月丙辰出御撰洪範政鑒

十二卷

審樂要

記一作紀

以示輔臣

御集又有洛書五事圖一卷

政鑒書以皇極為

本上與王洙論五行五事之證采五行六沴及前代庶

應成此書十二卷上自為序 上嘗問丁度洪範大旨

命錄以進 講洪範上曰奉天在修德 治平三年六

月壬子英宗書洪範於欽明殿屏

命王廣淵書之因進張景論七篇而知三

德為御臣之柄

書目審樂要紀二卷康定元年御製上卷述


聲律均呂占候之法下卷載歷代樂制 永平著五行

之說明皇改陂頗之文

皇祐御製明堂新曲譜

書目一卷二年製先是詔大樂並用清聲御製新譜法

準三首行禮曲數二十二首下太常按習 黃鍾徵角
調二卷政和中御製依唐譜修定黃鍾徵角二調總四
十五曲命教坊習學



玉海卷二十八